

佛心經品亦通大隨求陀羅尼



佛心經品亦通大隨求陀羅尼

唐 三藏菩提流志 譯



南無本師釋迦牟尼佛

無上甚深微妙法
百千萬劫難遭遇
我今見聞得受持
願解如來真實義

卷上

如是我聞。一時佛住俱焰彌國金剛山頂，遍觀十方，皆如火色。爾時如來即嘯長嘆，普視眾生都無差途。善哉，眾生當何所救？思惟已訖，一切諸佛世界及諸菩薩境界，上至三十三天，下至十金剛際及魔宮殿悉皆震動。其時即有過、現、未來一切諸佛，應念正思。復有諸菩薩等，住自心中而復不動。復有諸金剛領諸眷屬執金剛事，不安其座，游行十方。復有諸天仙魔眾，怖走無處。爾時即有十金剛藏菩薩前整衣服，白佛言：世尊，今者此瑞，爲惡相耶，爲善相耶？

爾時如來但自思念而復不答。其時會中有菩薩名金剛愍，告金剛藏菩薩言：是相不善。佛今悲愍入慈心三昧，不名爲善。且自淨心，待佛所宣。

爾時復有德藏菩薩，問金剛愍言：云何名爲慈悲三昧？

即金剛愍告言：正是救攝之處，善哉善哉。

其時各淨身心，在須臾之間，見如來心遍諸眾生。爾時如來從三昧起告言：諸善男子，善哉！善哉！眾生沒盡，汝悉知不？我今諸眾生不解我法，不知我心，

不到我際，被魔所持。如何救得？誰有方計護得眾生？誰有方計攝得此毒？

其時即有二十千萬億菩薩，皆是灌頂大法王子威德自在，來白佛言：世尊，我有菩薩慈。

佛言：此非慈攝。

復有百千萬億恆河沙數世界金剛密迹，一一密迹持四天下力士，前白佛言：世尊，我能力攝。佛言：金剛，此非力攝。

其時復有一切世界大自在天，能變身為佛來白佛言：世尊，我有自在變化所攝。

佛言：非汝幻惑所知。

於眾會中有一菩薩名曰實德，白佛言：世尊，如是金剛菩薩天仙，皆悉不能攝持，佛今如何令諸眾生得脫此難？

爾時如來告實德菩薩言：唯有如來中心中心之不能及。何以故？能令諸魔生大慈故，能令諸法隨應現故，能令諸佛常不離故，能令諸菩薩為眷屬故，能令諸金剛施威力故，能令諸天眾常擁護故，諸大藥叉羅刹成助法眾故，能令一切諸大鬼神生歡喜故，能令所持誦者等佛力故，等佛心故，等佛智故，等佛威故，能令持

者心所爲作無不辨故，能令所有障難皆斷絕故，帝釋梵王常扶持故，能令一切直至菩提無退轉故，世間所有事業自明了故，乃至過去、未來、現在一切世界有通無通、有智無智、有賢無賢，盡歸伏故。

爾時大會聞說此已，鹹欲聽受。於大眾中忽起光明過百千日。爾時實德菩薩問佛言：此是何光？何等因緣？

答言：此歡喜光，從中心心生。世尊當知此光不可量不可稱，不可贊嘆，亦無印可。何以故？爲同諸佛無印可故，同諸如來無所得故，一切諸相亦無見故，守慎諸根無捨離故，使諸魔怨不得便故，能遮魔王諸道路故。以是因緣名心中心。

爾時一切大眾白佛言：世尊，我從所修因緣及佛妙教，未曾聞有如是贊嘆功德大威神力，唯願如來爲我等輩，宣說此句證修覺地，唯願使我於中修行。

爾時如來告諸菩薩諸善男子：今當宣說，證修佛地有十種持，必定成就。何等爲十？第一持心。於法無礙，於佛生信，於心平等，於眾生生慈，於色無著。第二持戒不闕。常攝在定，修不妄語，好施眾生，斷除驕慢。第三莫行惡。修不殺戒，勿食惡食；慎莫自贊，莫見他過。第四於諸求法莫生譏嫌，於諸佛教遮護過惡，於師僧中如父母想。第五若行願教慎莫遺失，於諸貧富等心觀察，須懷世

諦而順諸人。第六於佛句偈常須警察，所修諸法必須遍持，有所乞求應心即施，慎莫觀察上中下根。第七所持契印，莫不淨行，莫非時結，莫爲名聞利養而用，有所行法亦不得捨非眾生。第八於一切所有莫生偷竊，斷非理惡，莫行諂佞；於佛法要護如己命，乃至良賤，莫存二心。第九所救諸苦際不至誠者，實莫退心；莫自輕法，莫使他輕；須斷己謗，莫使他謗，必須質直，常行軟語，勸存善道，起大慈悲。第十斷除邪行，莫損虛空；志信堅固，不辭疲苦，常勸不捨慕善知識；或於林泉清淨之處發廣弘願；慎莫怯弱，念念存攝，勿令邪見，常住大乘，有善知識，承迎禮拜。如是十事能斷除者，是持法證，決定直至無上菩提，更不退轉。欲修菩薩及金剛身，滿足不難。

爾時諸菩薩聞說此已，白佛言：世尊，如此願行，我今修學。唯願如來起大悲心，說此神妙章句，大眾欣仰，今欲受持。

佛告諸善男子：樂說便說，諦聽諦聽。

爾時如來復以菩提心，契護於大眾，令心不動，即說咒曰：

一切佛心中心大陀羅尼：

唵。跋囉跋囉。穆跋囉穆跋囉。印地栗耶。微輪達禰。哈哈（二上六合同）。

嚕嚕遮嚕。迦嚕遮嚕。莎縛訶。

第一、先以左右二手二無名指各屈鉤，比茲於中指後，以二大母指，各屈捻二小指甲上，二頭指各屈，鉤二無名指頭，二中指直豎，頭指捻，合腕當於心上，其印即成。若人修持此契法者，得菩提心具足，菩薩智具足，一切波羅蜜門具攝在心。所有諸佛菩提及諸秘門，是此印攝。於淨室授持此契，經七日間，所有法要，即現目前。於諸魔道及眾生道及諸鬼神道，如是隱形伏匿。持此印契，自然知處。更欲變形，變亦不得。諸善男子，若得此契，應念即有十方諸佛雲集其頂，應念即有十方菩薩求爲侍者，應念即有十方金剛求爲給事，應念即有十方諸天侍衛供養。諸魔眷屬，悉捨本土，來助法威。一切毗那夜迦求來供養。諸善男子欲降伏魔怨外道，先結此契，咒三七遍，舉在心上，回身起立，左轉一迎。其時大地震烈，其魔諸眾陷入下方，永不復出。縱有出者，是佛慈悲。然始得出，慎莫生嗔。持此咒者，若生嗔者，十方浩沸非歡喜，時十方始安。諸善男子，當佛之首，諸法之母，諸契之王，十方諸佛，從此而生。如諸佛世尊無有過者，若不過者，必須記持，勿輕用也，量事大小用之。若持諸法，先以此契爲首。不得此契，諸法無主。縱有成就，所有身心，亦不決定。諸神不衛，所作諸法，多諸障難。

慎之！慎之！莫不淨用。

第二、菩提心成就契（一名十方如來同印頂契，用前咒）

先以左右二手中指相交，右押左，於虎口中出頭，二無名指並屈，押二中指背上，二母指各捻，二無名指後相拄頭，二頭指於二無名指背上頭相拄，二小指豎合，頭相拄成。

若善男子善女人，得此契持者，轉業消障，速證無上正等菩提。常持此契，得聞持不妄，於諸法要自然通達。從久遠來所未持者，應心所作，皆悉契合。持法之時，有諸外道及魔波旬，來欲惱者，舉心即退。欲有所須，點契即來，乃至千變萬化，能惑人法，結契持心，即現本形。地中伏藏龍宮寶處，若有所須，以契指之，應時即至。十方世界所有法要，欲得成者，於初夜間結契持誦，不離本坐，便取睡眠，十方世界所有要法，心所欲者，即自教來。若求小通，不經三日。若求大通，不過七日。於夢寐中，佛自印頂自護功力。若欲得見諸佛菩薩、神鬼、精靈、金剛等，每結印之時，將印印眼，至一千八十遍，即見。必須安心，勿使恐動令人失心。若諸惡災害及本土者，以契咒之一百八遍，將契指天畫成佛字，其災即滅，更不復生。若持此契時，被諸魔惱，但言小賊，不經再三，其魔即退。

世間小小諸病及難治不可識者，但結契咒滿一日，癩病亦除，除不至心。若於龍藏所須法要，結契誦咒，呼龍王名，不經一宿，其法自現。當見之時，誦持不得，更不妄失。若得此法，但自秘之，勿傳非人，慎之慎之。欲用此契，量事大小，大事行，小事莫行，用損其靈驗，記之，記之。

第三、正授菩提契（一名攝授諸秘門契，亦名頂輪契，同一切佛用）

先以左右二手無名指於中指頭指兩間出頭，次以二中指、二頭指並頭相捻，四指齊頭相著，二大母指捻二頭指上節文，二小指並頭直豎，合腕成印。

若有善男子等，欲持佛菩薩金剛心法者，依從此契，應念即得不動智遍十方界，是聖非聖，是魔非魔，及諸天仙四果聖等，諸大鬼神等，同時即將本心共同契合。世間所有事業，世辨非世辨，從此即和合同佛心。何以故？得佛三昧門故，諸佛密藏從此攝故，諸佛頂輪從此成故，一切金剛依從住故，十方眾聖來歸命故，一切諸惡回向善故，所有諸惡自攝心故，一切諸障自消除故，天魔波旬自降伏故，裸形外道成過之女自求哀故，一切龍藏自開發故，諸伏藏神自布施故，龍王寶珠自現前故，閻羅天子五道關閉所有主當自來懺悔故，一切諸法不得現前依從此契，即得現前故，一切諸佛菩薩逆順諸門自了知故，一切菩薩威光不能遮此行人身故，

大小願求皆果遂故。

若有善男子善女人得此契持者，於淨心中慎莫惑亂，收心在定，先念三歸發受戒心，然結此契。當結之時，即有十方地神執持香爐供養此人，帝釋梵王現其人前，爲說願教持印。大神立在左右，爲作證明。灌頂輪王及執金剛神立在前後，手扶佛甲在行者身，諸金剛藏位立虛空雨大寶花安慰行者。十方如來縱住十方，放白毫光，照行者身。光中化佛執大法輪印行者。得印頂已，所有佛法自然了達。欲作此契，燒三種香：一檀香，二薰陸，三沉香，各別燒，三世諸佛同現其前。

欲召十方諸佛、菩薩、金剛、諸天地神、日月星宿、五道巡官、司命司察，結此契，咒三七遍，運心遍十方，經三遍迎，一切即至。欲召十方寶藏及龍藏伏藏神等，以契指天，即現其前。

欲使神鬼及諸金剛天神菩薩，乃至一切道力欲使令者，以契印，口陰誦七遍或三七遍，應時現前，任意使役。每日無間夜及晨朝，結契誦至千遍，十方如來自助其力，何況諸餘一切外道及以內道，有諸法術有幻惑者。

欲令破者，舉心即破，種種諸病，於大悲心中欲作救護，無有疑滯。諸有病苦來求救者身不能去，但結此契口言檢校其病人邊，即有聖者自變化身，救彼病

苦，還得除差。

欲用此法，必須消息記持，莫不淨用。若不淨用，一切滯礙，無有成者。若諸印法久持不得成者，結此契日持千遍，不經七日，無法不成，所用即無滯礙，記之記之，勿傳非人。勤苦願求，經三七日，得佛菩薩。

第四、如來母契（又名金剛母，亦名菩薩母，又名諸佛教母，亦名諸法母，亦名諸印母，又名自在天母，又名契持母，亦名總持母）

先以左右二手合掌，二小母指交屈入掌中，二頭指鉤，取二小母指頭，二大母指並押二頭指中節，二無名指直豎頭相捻，蕊二中指向二無名指後亦相捻，四指頭齊合腕，成。其座須結跏，亦得驗，小聲陰誦前咒。

若有善男子善女人，欲持此契者，心念十方諸佛七遍，然後當結此契。其契每於大月十五日，結此契持得萬遍，十方世界所有自在法門，應身即現，乃至十三天，須至即至，更無滯礙。諸佛長生，我亦長生；諸佛成道，我亦成道；諸佛度人，我亦度人；諸佛無礙，我亦無礙；諸佛化身，我亦化身；諸佛法身，我亦法身；諸佛放光，我亦放光；諸佛寂定，我亦寂定；諸佛三昧，我亦三昧；諸佛說法，我亦說法；諸佛不食，我亦不食；乃至種種諸佛所作之事，皆悉能爲能。

作。何以故？爲於此中是八種母故，及八自在故，諸佛常說八自在故。我從此而生，更無別處。

有此契即能攝八方自在之力。一一方界皆有八方，一一方皆有八種隨心。何等爲八？一變化隨心，二慈悲隨心，三救苦隨心，四說法隨心，五逆順自在隨心，六攝諸要契自來相逐隨心；七所有諸毒令向善，得至佛身無退轉隨心；八世間所有果報福德，能施即施、能割即割、能修即修、須成即成、須破即破隨心。善男子等，如是隨心事中，一一皆有百十恆河沙隨心事，不可具說。若有求者，但於晨朝，結契求之，無不可逐。若不果者，諸佛妄語。

若有善男子善女人，欲持此契者，欲求佛位者，欲求菩薩位者，欲求金剛位者，欲求天神位者，欲求現十方者，欲求生西方者，欲求下方自在生者，欲求十方自在生者，欲求世辨無闕短者，唯當至心思惟自念事，日持千遍，七日之間，即能得至。一離世界，更不往來。何以故？爲同佛身得佛神通故，爲同佛心得佛慈故，爲同佛眼得佛見故，爲同佛力得佛持故，爲同佛行行世間故，爲得佛印親印受故，爲得諸佛同變化故，爲得法身諸魔外道自降伏故。何以降伏？見二身唯見一身，見無二佛唯見一佛故。

善男子當知此契，唯佛與佛，乃能記持，非諸聖也；唯諸菩薩願力滿者乃能記持，非初心也，非諸金剛。佛受與者然始憶持，非小通也。善男子等若將此契，十方世界所有通靈，無不識知，無不攝受，無不頂禮，無不歸從，無不加護，十方如來無不印可。寧於百億恆河沙數世界，諸有大地盡皆滅沒，諸須彌山王未爲微塵。復有佛身，遷轉不定，當知此契不可說，無有定相。何以故？豈有諸佛遷轉身也？當知此契諸佛執持，非菩薩手。若有菩薩不從佛受，能行此契，無有是處。若有金剛，不從佛受，能得此契，亦無是處。盡於世界雖有諸天不得見聞。何以故？佛不受故。

善男子當知此契，欲同諸力無有校量。若能至誠持經三日，大地震動，如佛出世，日月光明，自然不現。何以故？爲此力故。善男子，我此印契，久事我者即來付囑，同我心者我亦付囑，具大慈悲我亦付囑，長養法性我亦付囑，能度眾生直至菩提我亦付囑，依我經教記持在心我亦付囑，能爲眾生作決定者我亦付囑；能使眾生修行戒行，所有魔事爲作制約，不令退失，我亦付囑。

善男子當知此契，佛額上光，結持之百遍舉至額際，即能放光。善男子當知此契如來心，結契持百遍，自得佛心。善男子當知此契如來眼，持契百遍，舉至

左眼，即同佛見；舉至右眼，即同菩薩見；舉至眉間，即同金剛不壞神通自在見。善男子當知，此印如來神通變化。結契持之百遍，舉至左膊，即同如來無邊身，身通化自在，觀見眾生在於身中；舉至右膊，即運轉大地在於身中。善男子當知此契，即是如來神足無礙故，結契持百通，上下八方應時示現，皆有七步蹤迹。善男子當知，此契同於如來語，持契百遍，舉至於口，所說法要同如來音，無有礙滯，皆合契經。善男子當知此契，如來頂輪結契持之百遍，能與惡業眾生作大福田，善業眾生證果受記。當知此契，假使一切諸佛同時出生，此契神力如諸佛力。

善男子當知此契不可思議。若於願持者必須珍重，勿妄宣傳與諸非人。何以故？我自保護故。若傳非人，即同謗我；若謗我者，必無出離；若不出離，云何得見十方諸佛？云何得聞十方諸佛名字？更何得見諸佛法身？諸佛永劫更無護念，一落地獄，過十恆河沙劫始得出生。雖得出生，經百千劫，受無目身。當知此契，必須記持，勿輕用也。受法懺悔，除難救苦，攝障度人，降魔止毒用。縱有輕小事意用此法者，多不成就，自當失驗。若能依此，諸驗自成，不假別持。使我廣說，句義重疊，遍於大地，猶亦不盡，記之不輕。

第五、如來善集陀羅尼契（亦名攝菩薩契，亦名攝一切金剛藏王法身契，亦名集一切陀羅尼神藏契，亦名集一切威力自在契）

先以左右二手合掌交二中指，右押左於掌中，二大母指左押右，各捻本中指如環，二無名指二小指並豎頭相捻，二頭指捻二無名指上節文，成。

若善男子善女人等欲持此契，先當於晨朝時，至心稱念三世諸佛，面向十方說三歸依法，清淨澡手嗽口，然結此契，閉心靜坐。十方佛語心中自了，一一思惟證諸佛心，諸佛言音從此而出。言音既出，十方世界所有陀羅尼法門，及一切陀羅尼神，及百萬億金剛藏王、百萬億世界菩薩摩訶薩，及諸佛陀羅尼藏、龍藏、日藏、月藏、地藏、阿修羅藏、伏藏、寶藏、諸佛秘藏，乃至諸佛所有一切慈悲藏等，自然開發，皆自現前，如雲玉雨花，遍徹十方世界。所有陀羅尼藏即自了達。

得了達已，一切陀羅尼法取用無滯。若善男子等欲持此法，須燒檀香、薰陸香、沉香等，須淨衣服。所發誓言：我今持此契法，普爲一切眾生。設此誓已，即結此契，持至一百八遍，即有一切諸佛，化身爲百億神，各嚴器仗及諸眷屬圍繞，咒者及百億神軍、百億鬼軍、百億諸天仙眾，一切水火風天，所有精祇變怪